



DIARIO

E MATUTINO DI ARUBA

Abonado pa luna 19.00* chemplar 80 cent aña 12 No.3664

DIASABRA 6 FEBRUARI 1993

RIOT POLICE PREPARA PA TUMBA CONTEST



PAPITO RAFAEL REY DI TUMBA 1993

PAPITO RAFAEL REY DI TUMBA 1993

ORANJESTAD(AAN): Pa exactamente diez pasa di dos awe madrugada Aruba a conoce e rey di tumba 1993, y manera a ser spera, e finalistanan di e prome 4 lugarnan tabata esnan di pronosticacionnan pero cu a keda duda te final.

Papito Rafael cu 1680 a corona su carrera den concurso di Tumba di Carnaval ganando e concurso 1993 cu su tumba Bacadi Bacada.

Na di dos lugar a termina Gilbert Raven cu 1635 punto, Tattoo na di 3 lugar cu 1630 punto, Juni de Freitas na di 4 lugar cu 1605 y na di cinco puesto Segundino Tromp 1585 punto.

Mirando e preparacion di e tumberonan, e rey por a bira cualquier di e finalistanan di ayera anochi ya cu e nivel di canto, acompañaiento y areglonan tabata sigur halto y a brinda Aruba un di e mihor festivalnan di tumba.

Casin Giel a termina como mihor compositor y Franklin Granadillo como mihor arreglista.

Mester menciona sinembargo cu cada un di e cantantenan, tanto e nobatonan Susanne Boekhoudt y Raymond Kamperveen, y Gabriel Flores por ehemplo como e veteranonan den e concurso di tumba a duna e pueblo un concurso di nivel halto. Susanne por ehemplo a saca cara di damanan cu su tumba.

For di comienzo cu Harold Koolman por a ripara cu e preparacion pa final tabata optimal y por a nota tambe cu cambionan a ser haci den varios di e tumbanan princi-

palmente esun di Vicente cu tabata algo otro di su anochi di preclasificacion.

Tatoo manera a ser spera a sali di mas fuerte posible y aki e tumba ganador tabata vislumbrando, pero e claridad di e tumba a baha ora cu Papito a dal esun di dje y percura pa mes tanto claridad.

Diezun anochi a yega na mitar di e programa cu presentacion di banda number siete di e anochi.

Net 11 or anochi a presenta e di 9 cantante cu ta na mitar di e programa y tabata Didi Wernet cu PRIDE interpretando su Balifa cu a bin fuerte tambe. Chicho Kock tambe a bini hopi bon cu su Mochai demostrando cu e competencia tey.

Pero tabata Gilbert Raven cu Grasshopperband cu su Waye Wayele cu a trece duda den tur pronosticacion haci di antemano.

Gilbert a "lombra" su tumba y a duna un presentacion "campeon" y tabata e competidor o rival fuerte pa esnan di speculation anterior.

Kenneth Giel tambe a presenta hopi fuerte cu Robert y su Solo Banda show.

Esun mas fuerte cu a sigui despues tabata Juni de Freitas cu Robert y su banda Show.

Sinembargo mester menciona cu ta tur finalista a duna de lo mihor y e pueblo a goza di tumbanan canta y toca di nivel hopi halto lagando e tension te final pa e juradnan dicidi finalmente kendenan lo ta e finalistanan.

Gradecimiento

Redaccion di DIARIO kier gradici awe, gerencia di matutino CORANT pa e colaboracion ricibi pa por a usa nan equipo di "donkere kamer" pa e edicion aki, debi na un fallo tecnico di aparato di "negatief" di DIARIO.

Eleccion di MISS SHARKY'S

Diasabra
Tribonnan!! Bin mira,
Bin mira!!

Musica
LIVE
SHARKY'S
For di
11:00 en adelante